



Itilliarsummi ikerasaliortoqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut Ilaasortaq Stine Egede, Inuit Ataqatigiit)

Inatsisartunut ilaasortap Stine Egede Inuit Ataqatigiit aaliangiiffigisassatut siunnersuutaanut, qulani pineqartumut soqutiginarluinnartumut pingaaruteqarluinnartumullu qujalluta, matumuuna Inuit Ataqatigiinniit imaattumik oqaaseqaateqassaagut.

Inuiaqatigiusugut, imaatigut sutigut tamatigut angallannerup tungaatigut, isumannaannerpaamik atugassaqarnissarput aqutissiuuttuartariaqarparput, minnerunngitsumillu angallavigiuminarsaasinnaanerpup, piffissamillu atorluaanerulersinnaanerput eqqarsaatigalugit aningaasaliissuteqarsinnanissamut piunassuseqarnerusariaqarpugut.

Kujataani illoqarfiit imminnut qanittunnguuneri, minnerunngitsumillu mittarfiup maanna Narsarsuarmiittup, kingusinnerusukkut Qaqortumiilertussap orninneqarneranut annertuumik Itilliarsummi iluaqutaalersussavoq. Imaarluttarnera ukiumi kisimi pineq ajormat, imaatigut angalanianut annertuumik iluaqusiissaaq. Inuit ulorianartorsiorlutik angalasartut illersorneqarnerulissapput. Tamannalu aamma isumannaallisaanermut kisimi iluaqutaanani pinartoqartillugu soorlu; napparsimasunik angallassinermi, politiit qatserisartullu sulinerinut iluaqutaalerumaarpoq. Takornarianut angallassisunuttaaq iluaqutaallualerumaarpoq.

Kommune Kujalliup tapersersuinerattaaq maluginiarparput. Ukiorpassuarni ilungersuutigineqarsimasoq kissaatigaat amerlasuunit taperserneaqqullugu.

Taamaattorli ikerasaliortoqassagaluarpup, qulakkeerneqaqqartussaq tassaagunarpup, ikerasaliorfissap qanittuani sarfap ingerlaarfiinut qanoq sunniuteqarumaassanersoq taamatuttaarlu imaani uumassusilinnut qanoq sunniuteqarumaassanersoq sukumiisumik misissuilluaqqaarsimanissaq.

Nunatta sineriassuani, inuit angallaffianni, aquteralaat atorlugit angallaffiusuni, ikerasaqquttarissat ulittarnerup aammalu tinittarnerup kingunerisaannik aqutigineqarsinnaajunnaarallartartut amerlalluinnassagunarpup; assersuutigineqarsinnaalluarunarpup nunaqarfikuusimasup Nivaap ikerasaa aammalumi nunatsinni oqaluttuaaterpassuatta ilaanittoq Tinuteqisaaq, taassumammi ikerasaa tinittarnerup ulittarnerullu aamma sunnersinnaasaraa ilimallualersimavarpup.

Mininneqartariaqarunangilarlu Niaqornaarsuup kangerluisa ilaanni aavarissat il il. aqqutigilluartagaat Itilliarisuk; taanna ituinneqartarpoq, pingitsooranilu arlaatigut qanoq iliuseqarfigineqarsinnaaneranut periarfissagissaaraluarluni.

Sineriassuarput isorartooq arlalippassuarnik kangerloqassaqqooqaaq ulittarnermik tinittarnermillu sunnerneqarnermillu aqqusaarneqarsinnaajunnaarnermikkut itisilerneqalaarnermikkut angallannikkut aqqutigiuminarsaanikkut isumannaannerusumik angalanerup ingerlanneqarsinnaaneranut periarfissiisinnaalluartunik.

Siunnersuuteqartup siunnersuutaa, tassalu Kujataani Itilliarsummi ikerasaliortoqarnissaanik siunnersuut; angallannerup isumannaannerulernissaanik kinguneqartitsinissaa qularinnginnatsigu soorlu sikorsuarnik ajornartorsiuteqartoqartillugu, minnerunngitsummillu umiatsianik angalasunut aningaasat tungaatigut aamma sipaaruteqarfiusinnaasutut takorloorsinnaagatsigu;

Taamatut oqaaseqarluta Stine Egedep siunnersuutaa akuersaarlutigu ataatsimiititaliamut susassaqtumut ingerlateqqipparput

Qujanaq

In.in.

Peter Olsen